

歷朝憲章類誌卷之十七

潘輝注著

官職誌

爵陰資塗之別

爵級 散官通判

榮封

李時賜爵以王公冠親勳。如太祖封兄武穆王。叔武道王。李常傑贈越國公。蘇憲誠拜王爵。

餘封侯秩。如陶甘沐封信義侯。

又有大僚班內上制明字等爵

以加有功

陳朝宗室加王爵或郡王爵。亦有勳舊封王如陳佐周封仁興王。

其封拜文武有國公上位侯。關內侯。冠服侯。開縣伯與明

字上品等級。

黎初太祖起義封諸將臣。有亞侯通侯冠服侯著服侯等號。及進至東都封爵有上品下品上智字

下智字大智字明字智大僚班亞僚班諸級。其散職有朝列忠亮忠武諸大夫。或加文臣。如阮庶為朝列大夫。或

加武將。如黎向為榮祿大夫。黎列等為忠亮大夫。黎禮等為忠武大夫。初未准定。平吳後封爵。始以王公崇秩加封皇子。如忠齊初封開郡公。後封國王再降郡王。侯

秩封諸功臣有縣上侯亞上侯。縣侯亞侯。關內侯冠服侯。著服侯凡九等。時預封九十三人。

聖宗洪德二年。定制列爵以皇宗為首。親王則皇子受封以府為號。如建昌府曰建昌王。嗣親王則親王世子受

封以縣為號。如海陵縣曰海陵王。公則皇太子親王衆子受封以美字為號。如肇度公之類。侯則自親王公長子受封以美

字為號。如○伯之類。伯則○○○○○如靖共伯之類。子則親王公衆子侯伯受封以美字為號。如建昌子之類。男則追贈親公

卷十七 官職誌

爵蔭資塗之別

爵級榮封

七十

主長子侯伯衆子受封以美字爲號。如廣澤男之類。次至諸臣封爵非碩德元勳並不得預。如國公郡公以府

縣爲號。只用一字。如富國公黎泰靖國公黎念。侯伯以社爲號。全用二字。如南昌社曰南昌侯。延河社曰延河伯。勳級文正一品上柱國。從一

品柱國。正二品正治上卿。從二品正治卿。正三品資正上卿。從三品資正卿。正四品匡美尹。從四品

匡美少尹。正五品修慎尹。從五品修慎少尹。係預郡公爵者同正一品。侯伯子爵同從一品。男爵同

正二品。武正一品上柱國。從一品柱國。正二品上護軍。從二品護軍。正三品上輕車尉。從三品輕車

尉。正四品驍騎尉。從四品飛騎尉。正五品雲騎尉。從五品鐵騎尉。預係郡公爵者同正一品。其散官

文正一品特進金紫榮祿大夫。從一品榮進寶祿大夫。正二品先亮大夫。從二品奉直大夫。正三品

通章大夫。從三品嘉行大夫。正四品忠貞大夫。從四品朝列大夫。正五品弘信大夫。從五品顯恭大

夫。正六品茂材郎。從六品茂材佐郎。正七品謹事郎。從七品謹事佐郎。正八品進功郎。從八品進功

佐郎。正九品將仕郎。從九品將仕庶郎。係預伯爵者同正一品。子爵同從一品。男同正二品。武正一

品特進輔國上將軍。從一品光進鎮國大將軍。正二品昭毅將軍。從二品武勳將軍。正三品英列將

軍。從三品明毅將軍。正四品懷遠將軍。從四品馳威將軍。正五品竭忠將軍。從五品持節將軍。正六

品奮力將軍。從六品果毅將軍。其預郡公爵者同正一品。

內官三品侍中令。從三品副侍中令。正四品弼直令。從四品副弼直令。正五品協諒令。從五品副協

諒令。正六品崇廉正。從六品副崇廉正。正七品純良正。從七品副純良正。正八品修飭正。從八品副

修飭正。正九品歷使正。從九品副歷使正。其通資上秩二十四資。至下列一資。凡十七通。正一品上

選從一品上列。正二品中秩。從二中階。正三品中聯。從三中班。正四品中序。從四中制。正五品中進